

# Yimpilo yenja



Incwadi yesi-

2

ISIZULU



# Ukufunda ngamaqembu okuholwayo

## Ngaphambi kokufunda

- Phenya amakhasi endaba abazoyifunda.
- Tshela abafundi ukuba baqagеле ukuthi indaba izoqhubeka kanjani uma kususelwa esihlokweni nasemifanekisweni.
- Yethula amagama amasha noma alukhuni ngaphambi kokuba abafundi baqale ukufunda incwadi.
- Yenza amakhadi amagama ukwethula amagama amasha. (Thola uhl uwanagama amasha ngaphakathi.)

## Ukufunda kokuqala


- Abafundi kumele bafunde umbhalo ngamunye.
- Abafundi kumele bafunde buthule noma "bawufunde ngokuhleba" umbhalo.
- Suka kumfundu uye kolandelayo, ucele umfundu ngamunye ukuba afunde isigaba sombhalo kuzwakale.

## Ingxoxo

- Funda imibuzo yokuqondiswa esuselwa embhalweni.
- Gxila emisindweni, emagameni ajwayelekile kanye nasemagameni amasha.
- Uyothola imisebenzi esekugcineni kwale ncwadi ilusizo ekuholeni ingxoxo. (Khetha imisebenzi efanele izinga labafundi.)

## Ukufunda kwesibili

- Ezinsukwini ezilandelayo, nkeza abafundi ithuba lokuyifunda futhi incwadi, ngababili noma ngamunye.
- Gxila ekufundeni ngokugeleza, ekusetshenzisweni kolimi nasemagameni amasha.
- Abafundi mabaqedele imisebenzi yeqembu eholwayo etholakala ngemuva kwale ncwadi. (Khetha imisebenzi efanele izinga labafundi.)



Abafundi mabadlale balingise okwenzeka endabeni uma umbhalo uvumelana nalokho.

Abafundi kumele benze imisebenzi yokufunda ngamaqembu ngemva kokufunda. Abafundi mabasebenze ngamaqembu ukqedela imisebenzi efanele etholakala ngemuva kule ncwadi. Imisebenzi ebhalwayo kumele yenzelwe ezincwadini zokubhalela, hhayi kule ncwadi.

# Yimpilo yenja



Namuhla u-Abby no-Aphiwe  
bagibele ibhasi lesikole. Kodwa  
uPhithiza yena akakwazanga  
ukuligibela ibhasi.

"Cha-bobo, Phithiza, wena  
awukwazi ukugibela!" kusho  
u-Aphiwe. "Izinja azivunyelwe  
ukugibela ebhasini!"



Namuhla u- Abby no-Aphiwe  
bavakashele umtapo wezincwadi.

UPhithiza yena akakwazanga  
ukungena emtatsheni  
wezincwadi.

“Cha-bobo! Phithiza, awukwazi  
ukungena lapha, izinja  
azivunyelwe lapha.”



Namuhla u-Abby no-Aphiwe  
bavakashele ebhishi.

UPhithiza yena bandla  
akakwazanga ukungena.

"Cha-bobo, Phithiza, awukwazi  
ukuhamba nathi!" kusho  
u-Abby.

"Izinja azivunyelwe!"






Namuhla u- Abby  
no-Aphiwe baye kodlala epaki.  
UPhithiza yena bandla  
akakwazanga ukuya.

"Cha-bo, Phithiza, awukwazi  
ukungena lapha epaki!"  
kusho u- Abby. "Izinja  
azivunyelwe!"





UPhithiza yena bandla  
wazihlalela ngaphansi  
kwesihlahla eduzane nesango.  
"Hh-Hh-Hh!" kukhononda  
uPhithiza. Walinda, walinda.

Awu! bandla waze wazumeka  
zwi waze waphupha.





## Waphuphani uPhithiza?

UPhithiza waphupha egibele  
ibhasi.

“Ngizohlala esihlalweni  
ngaphambili,” kusho uPhithiza.


UPhithiza walunguza  
ngefasitela.



UPhithiza waphinda waphupha  
eseklasini, ehlezi ngaphambili.

“Sengijahe kabi ukuthi kufike  
isikhathi sokudla kwasemini,”  
kusho uPhithiza.

“Sengijahe nesikhathi sokudlala,”  
kusho uPhithiza.




"UPhithiza waphupha esebhishi.  
Waphupha emba isihlabathi  
sasolwandle futhi etshuza  
ngebhodi olwandle.

UPhithiza wayenesikhathi  
esimnandi ngempela.


"Maye! impilo imnandi!"  
kumemeza yena.





Waphinda uPhithiza waphupha  
esepaki kukhona futhi izinja  
eziningi. Izinja ezinkulu kanye  
nezincane, ezinde kanye  
nezimfushane.

UPhithiza waqxumela uzwingi.  
"Zwi...zwi...zw!" ecula.



UPhithiza washwibeka ezungeza.  
Waya phansi naphezulu nomdlalo  
wokushununuza. Wadlala futhi  
ehla enyuka kuginqigonqo.  
UPhithiza wamba nesihlabathi  
waba nesikhathi esimnandi.


# Kwathi kusenjalo...

U-Aphiwe no-Abby beza esangweni bamvusa. "Vuka Phithiza! Sesibuyela ekhaya manje," kusho u-Aphiwe.

Hhe! hhe! ngivuke? kusho uPhithiza.

"Hhayi bo, usho ukuthi bengiphupha?"

"Oh nkosi yami. Impilo yenja ke leyo", kucabanga uPhithiza.



# Umsebenzi wokufunda ngamaqembu



1

Bheka izithombe. Shono kumngani wakho ukuthi kwenzekani esithombeni ngasinye.

Tshela umngani ukuthi yisiphi isithombe okumele sibe sekuqaleni, nokumele sibe ngesesibili, esesithathu, nesokugcina.

Phinda uxoxele umngani wakho indaba usebenzise izithombe.



2

Lingisa le ndaba.



3

Fundela umngani wakho imisho elandelayo.

Phinda uxoxele umngani wakho le ndaba ulandelanise izigameko.

1. UPhithiza uphupha esolwandle.
2. UPhithiza uphupha esepaki.
3. UPhithiza uzunywa ubuthongo esangweni lasepaki.
4. UPhithiza akakwazanga ukungena epaki.
5. UPhithiza uyavuka.



4

Qedela lo msebenzi.

- a. Thola igama emgqeni ngamunye elifana ncimishi nelikukholamu yokuqala.

inja	ifa	isha	inja
vuka	luka	vuka	suka
indaba	isaka	indaba	ibanga
phupha	buka	phupha	zula

- b. Thola igama endaben elinencazelo efana neyalawa:

uyaphaphama

imifanekiso

buka

ingcanga

kukhuluma

cha

c. Qedela le misho usebenzisa amagama afanele:

UPhithiza akakwazanga \_\_\_\_\_ emtatsheni wezincwadi.

UPhithiza akakwazanga \_\_\_\_\_ ebhasini.

d. Bhala uhlu lwezinto uPhithiza afuna ukuzenza endabeni.  
Sebenzisa okhefana ukuezehlukanisa.



5

Thola imisho kule ndaba enezimpawu ezilandelayo,  
bese uyibhala encwadini yakho yokubhalela:



6

Xoxa ngale ndaba:

- Sithini isihloko sendaba?
- Obani abalingiswa abasemqoka kule ndaba?
- Ucabanga ukuthi lena yindaba eliqiniso?
- Kwenzekani ekuqaleni?
- Kwenzekani phakathi nendaba?



7

Phinda ubhale le ndaba usebenzisa amagama  
akho, ibe nemisho emi-4

# IBANGA LESI-2 ULIMI LWASEKHAYA



## Incwadi yesi- 2

<b>Isihloko:</b>	Yimpilo yenja
<b>Ulimi:</b>	IsiZulu
<b>Ileveli:</b>	Ibunga lesi-2 Ulimi Lwasekhaya Incwadi yokufunda Izinga loku-1 Incwadi yesi-2
<b>Uhlobo lwetekisi:</b>	Indaba
<b>Amagama abukwayo (aziwayo):</b>	hhayi, cha, izinja, ibhasi, ulwandle, ukuphupha, kodwa, kusho, izincwadi, lapha
<b>Amagama amasha:</b>	ebhishi, wazumeka, etshuza, shwibeka, shununuza, ujikajika, uginqigonqo, uzwingi
<b>Ifoniki:</b>	nt, sh
<b>Okungaphakathi, ingqikithi namakhono:</b>	<ul style="list-style-type: none"><li>▪ Uchaza okwenzeka ezithombeni.</li><li>▪ Ulandelanisa kahle izithombe.</li><li>▪ Usebenzisa izithombe ukuxoxa indaba.</li><li>▪ Ulingisa le ndaba.</li><li>▪ Ulandelanisa izehlakalo kahle.</li><li>▪ Uthola amagama angomqondofana.</li><li>▪ Uqedela imisho ngokugcwalisa ngamagama afanele.</li><li>▪ Uthola amagama analo misindo: mt, shw, ncw, tsh</li><li>▪ Ubhala uhla esebeenzisa okhefana.</li><li>▪ Uthola abhale imisho enalezi zimpawu: ungqi, ikhefana, umbuzo, isibabazo kanye nabacaphuni.</li><li>▪ Ufundla aphendule imibuzo yokuqondisisa.</li><li>▪ Ubhala indaba ngawakhe amazwi imisho emi-3.</li></ul>

ICAPS ifuna ukuba othisha babeke eceleni isikhathi nsuku zonke sokubhekana nokufunda kweqembu okuholwayo. Ukufunda kweqembu okuholwayo kudinga abafundi asebesezingeni elifanayo lokwazi ukufunda umbhalo ofanayo emaqenjini. beholwa nguthisha.

Ekufundeni ngamaqembu okuholwayo. othisha bahola abafundi abasezingeni elifanayo lokufunda ekufundeni incwadi efanayo beseqenjini.

Isikhathi sokufunda kumele simbandakanye izinhlobo zamasa ehlukahlukene zokufunda nokuqondisisa okudingwa abafundi uma befunda.

Isu lokufunda ngempumelelo lidinga futhi ukuxoxisana ngombhalo phakathi kukathisha nabafundi, naphakathi kwabafundi emaqenjini.

Lezi zincwadi zinemisebenzi yokuqondisisa kanye neminya ehambelana nokufunda ngokuqondisisa ukusiza othisha ukuze bakwazi ukuhola ukufunda ngamaqembu emakilasini.



ISBN 978-1-4315-2549-2



**THIS BOOK MAY NOT  
BE SOLD.**



**basic education**

Department:  
Basic Education  
**REPUBLIC OF SOUTH AFRICA**

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Ezinye izincwadi eShalofini  
Lezincwadi zeBanga lesi-2  
loLimi Lwasekhaya.



**UZinkhle uthola abangani  
abasha**

**Yimpilo yenja**

**Idube layithola kanjani  
imithende?**

**UJeri uyathanda ukufunda**



**Indlovu nomboko wayo**

**Benza kanjalo abangani**

**Ichwane ledada elibi**



**Ibhayisikili likaBheki elisha**

**Izilwane ziya olwandle**

**Kwasiza uMkhomomkhulu**